

欽定本朝四書文

一
函
九
冊
函

無爲而治者

一節

儲欣

無爲僅得一帝其治象可想見也夫無爲而治殆難言之夫子獨歸之舜所可想見者第恭己之象耳他何爲哉且帝王南面而治天下時勢不同同歸於治而已而勞逸分焉其逸而治者聖人之德尤聖人之遇也惟然故其治無迹可見而僅得其象於慨想之間吾嘗上下千古而歎無爲而治者之難其人也今夫宣聰明而作元后聖人旣特擅有爲之材造草昧而奮經綸天下又皆待有爲之烈於是有躬居南面早作夜思而天下未卽治者焉或治矣而未洽洽矣而日有不暇給典籍所載可考而知甚矣無爲而治

者之難其人也。由今思之，其舜也。與舜以協帝之德，而適經帝之成。其所謂賓門納麓，封山濬川，諸務不過竭乃股肱，上襄光被，而異日適承其休，則夫勞於始而逸於終，聖人之遇，未有若是之奇也。舜以官人之德而享得人之樂，其所謂敷土播穀，明倫弼教，諸臣不過一經簡命，奉以終身，而繼此別無推擇，此又勞於求而逸於任，聖人之遇，未有若斯之盛也。遐想其時，天地平成，民物安阜，舉天下之大，無一事一物尚有待於聖人之爲，而聖人復何爲哉？
○偉○詞○足○以○振○起○題○神○

以其身托之乎巍巍之上，以其心運之乎業業之中，其存諸神明，不可窺而破諸事功者，又無可執恭已正南面，無爲者之治象。

如是而已嘉謨之陳尚交儼於無怠無荒乃天下之太平翔洽亦
已久矣開明堂以朝羣后四方萬國奔走偕來而聖人撫五辰以
臨之當日所目擊者此象也今日所神往者亦此象也帝歌之作
猶勅天於惟幾惟康乃有虞之垂裳布化不再更矣坐廊廟而念
補○此○意○更○好○蒼生解慍阜財斯須不釋而聖人揮五絃以致之千載以上所目
擊者此象之外無他也千載而下所神往者此象之外無他也噫
至矣夫帝王亦期於能治耳無爲而治與有爲而治一也然孰如
舜之德遇兼隆曠世而一覩也乎

實境易鋪虛神難會涵泳白文躍然有得筆之所至有生龍活

虎之勢

原評



顏淵問爲邦

一章

徐乾學

聖人與大賢論政而治統於是備矣。夫極盛治之隆而必有所謹者。此邦由以固也。聖賢治天下之略。豈外是乎。嘗論帝王之書。政事備焉。欲有爲於天下者。非得其一而遂足爲理也。立綱陳紀。迄於大定之餘。而孳孳保治之意。猶慙勅而罔斁焉。所以根本固而大統攸屬耳。顏子在聖門。具用行之略者也。而問爲邦。豈非欲以得其全哉。子以爲治之大者。在天人之際。損益之序。質文功德之數。理欲清濁之原。隱驗於古今之所宜。而顯持於道法之所守。如是焉已。治莫大乎頒朔。則夏時爲善。三統各有其義。而著物生之。

○不略首句

○源○括○

始由黃鍾而達之。至是乃盛焉。布德和令以順人事。皆從此出也。
治莫大於同軌。則殷輅爲善。五輅各有其制。而崇渾樸之質。辨等
威而出之。惟是爲能久焉。厚德應地。簡而可大也。治莫重於章服。
則周冕爲善。采旒爵弁。古有其則。而昭南面之崇。於郊廟而用之。
惟是爲有章焉。元德象天尊而彌光也。若乃操三重以寡過。制禮
尤欲審音。稽三代以立隆宗。王必欲祖帝有聖人之樂。而復有聖
人之舞。則韶舞尚矣。王者德既如舜。治已如虞。被諸管絃。形諸綴
兆。表揚絕業。風諭衆庶。可謂和樂者乎。蓋治法於是始詳也。然始
○說○音○節○與○古○爲○化○
○東○上○卽○折○入○下○
○嘗○不○祇○肅○而○後○稍○凌○夷○者○有○之○矣○自○古○賢○聖○之○君○必○從○而○謹○之○

戒彼新聲防茲匪僻。列國之歌非一而鄭爲甚。近習之蔽非一而
佞尤深。宮商奸律而傲僻之志荒。惟其淫也。邪佞當前而中正之
途塞。惟其殆也。入主謹嗜欲絕聲色而典章文物之盛由此益開。
親君遠小人而質文制作之宜自此益備。蓋明禮定樂每代不
同而節性防淫百王不易通乎古今之宜而要以道法之守此治
天下之大略也。

語語質厚字字謹嚴結營甚密布局甚渾



行夏之時

邵基墨

治莫先於法天。聖人取夏時之正焉。夫天時與人事合者也。授時則取夏。非聖人法天之治哉。且王者敬天以勤民。則治曆明時。固首出者之所有事也。順萬民之作息。道在於撫辰極。四序之節宜功歸於興事。爲邦之道。所以釐工而熙績者。蓋莫先於此焉。顧吾思之道本同揆。三代共此欽若之旨。而數與天合。萬世自有不易之經。周之建子。其立意未嘗不善。然萬象未萌。一陽方動。先王於是。有開闢之令。而未可以趨事而赴功。商之建丑。其命義未卽無稽。然星回於天。日窮於次。天子將以頒來歲之宜。而非所以肇端。

○月○合○論○曆○令○以○恃○求○歲○之○宜○頒○字○泰○

而履始蓋乘天因地生人自有其成能布五行而成四序王者所以順導夫民功故出治以時爲柄而授時以人爲紀東作西成兩間原有其定候春祈穀而秋報享王政所以上配於天行故變理爲君相之業而農桑卽婦子之經吾得夏時焉以寅爲正以人爲統上符天運時甚正也下布民事令甚善也爲邦者非以此行之不可小民詎識占星而示以時以作事之旨則出入不敢以稍違朝廷不尚改制而正以始和布令之規則上下均堪以恪守是非夏先王創一人之見也鳥火虛昴不能更作訛成易之期察政窺○漢○元○確○切○幾不能改二月東巡之候前之聖人已精其占驗而此乃率由焉

而。不。忘。則。惟。夏。時。可。以。考。而。不。謬。也。亦。非。夏。先。王。矜。獨。擅。之。奇。也。
幽。風。當。商。政。之。年。而。流。火。授。衣。之。不。踰。其。節。月。令。爲。晚。周。之。籍。而。
行。慶。詰。暴。之。不。易。其。規。後。之。聖。人。默。受。其。範。圍。而。此。更。畫。一。焉。而。
不。爽。則。惟。夏。時。可。以。俟。而。不。惑。也。同。也。相。天。子。以。頒。朔。佐。明。堂。以。
出。治。必。先。之。乎。此。而。由。殷。周。以。溯。有。虞。則。悉。有。可。採。矣。

時。尚。華。采。文。字。大。都。貌。爲。冠。冕。其。實。全。無。考。據。往。往。語。句。雜。湊。
殊。不。成。章。此。篇。可。謂。穩。稱。○照。自。訂。稿。刪。去。枝。葉。語。倍。覺。莊。雅。
可。誦。



君子疾沒世而名不稱焉

曹一士

名以永稱疾其與世俱遷者也蓋迄沒世而無稱焉悔何及矣君子之疾也終身以之耳嘗謂閱世生人閱人成世惟我有足以重乎世者斯世盡而名不與之俱盡依古以來世凡幾易其名磨滅而不彰者何可勝道間嘗俯仰而知其故矣其始每誤於有所恃年少氣盛謂不朽可立致也無何而有有用之歲月半消磨於妻子仕宦之胸而冉冉者行沒世矣其終多敗於有所溺居恒發憤謂聖賢自有真也未幾而俗情之漸染反足以奪詩書稽古之識而悠悠者終無稱矣君子念名之所自生與名之所由授而瞿然以

開下二〇七

興也。天地之生人也。心思耳目皆處必蔽之勢。獨此名之不蔽者。足以配三才而立極。有稱而天地始有是人。無稱而天地遂無是人。也。彼夫麟可徵。祥鳳可紀。瑞尚各留其光氣。以洩宇宙之文明。○揚○人○疾○字○沉○痛○我而覩然人面也。智慧聰明。世莫靈而物莫貴。徒奉此式。飲式食之。躬泯然以漸滅。何虛生若此也。中夜以思。有不可爲人而已矣。父母之授子也。身體髮膚皆無能久之理。獨此名之可久者。足以成孝敬而亢宗。有稱而父母始有此子也。無稱而父母似無此子也。彼夫帝世元愷。王朝達适。皆各標其品望。以重古今之氏族。我而念厥先人也。德行道藝里不登。而史不書。虛存此以似以續之。

軀○頑○然○以○待○盡○何○不○才○至○是○也○中○夜○以○思○有○不○堪○爲○子○而○已○矣○當○
吾○世○而○偶○見○長○也○豈○無○一○二○有○道○者○爲○之○延○譽○而○增○重○至○沒○世○而○
朋○友○之○力○窮○矣○君○子○知○名○自○已○立○沒○世○後○斷○無○助○予○之○人○也○而○不○
稱○而○復○何○所○望○則○安○得○不○置○身○千○載○時○設○一○莫○推○莫○挽○之○情○並○吾○
世○而○相○爲○輕○也○豈○無○一○二○寡○識○者○使○我○攘○詬○而○忍○尤○至○沒○世○而○讒○
謗○之○焰○息○矣○君○子○知○名○由○論○定○沒○世○後○並○無○忌○我○之○人○也○而○不○稱○
復○何○以○自○解○則○安○得○不○深○自○刻○責○時○作○一○何○有○何○無○之○想○有○志○之○
士○未○有○營○營○於○目○前○而○昧○昧○於○沒○世○者○也○是○以○君○子○重○疾○之○也○

此題精義從前名作發揮盡矣故轉從淺近處著想情真詞切

正復軒爽動人

